

保定府志卷二十一

輿地略五 河道 水利營田

河道 凡巨瀆頂格其納受支流低一格支流所納受者低二格引證單行雜文及按語雙行俱低三格

府河在府城南門外即古沈水本名清苑河實奇村河下游也奇村河源出滿城縣城東十五里奇村西北四里許泉水湧出闊一畝名一畝泉一名尙泉古稱西塘泊其西南二里許又有泉噴出如雞距名雞距泉東流一畝泉自西北來會東南流逕北石橋中石橋南石橋至南北奇村故名奇村河

沈水出蒲城西地理志曰北平縣有沈水即是水也東逕其城又東南左入徐水地理志曰東至高陽入河今不能也 水經注

沈水在清苑縣北清苑縣因滿城縣清苑河為名 寰宇記

保定府志

卷二十一

輿地略 河道 府河

緣邊塘灤起安肅廣信軍之南至保州西北蓄沈河苑河為塘橫廣三十里縱十里曰沈苑泊自保州西合雞距泉尙泉為稻田方田橫廣十里曰西塘泊 宋史河渠志 奇村河東南流申泉聯寶泉五花泉自西來合流注之又東南流五里入清苑縣西北境是為府河

申泉及聯寶五花紅花諸泉引之為河河長一百七十七丈別醜為渠渠受小泉水率一二百丈凡河為經凡渠為緯咸注而入於奇村河河之上舊有閘曰響水凡諸泉水來入者至是畢會焉 申泉碑銘

府河自清苑縣西北境東南流十七里至府城西南隅靈雨寺西白草溝水自西來入之

清苑河在府城西二里自雞距泉至此下流遶城南北

至東合流明一統志

白草溝河上游為方順河詳見後在滿城縣城西南五十里方

順橋鎮方順河逕此分為二支北支曰白草溝河由鎮西通

會閘東流十二里逕陘陽驛村北北至縣城三十五里又東十五里逕

閻童村北又東北四里逕大激店西為清苑縣境在縣城西南二十五

里環村而北又東逕小激店村北又東徑五里鋪侯河西北

來入之又東流入於府河

侯河首起滿城縣東南十二里賈村冷水溝東流逕劉家

莊入清苑縣西境又東南逕五里鋪入於白草溝土俗亦

名侯河乾溝

府河又東流逕靈雨寺前東逕吳家灣橋橋距寺數十步分為二南支

出積水閘東南行其北支出小石閘至城濠為護城河

保定府志

卷二十一

輿地略 河道

二

護城河北流逕西門橋下又北逕城西北隅折而東流徐河

溝水自北來會之又東逕北門橋下又東流折而南逕東門

橋下又南流至城東南隅復折而西至南門橋下西流入於

府河

府河逕城西南隅東南流又折而東至城南天水橋護城河會

徐河溝水西流入之

徐河源出易州城西南五迴嶺東南流逕郎山南又東南逕

石門山飛流直下又名雷溪又南入保定府滿城縣西北境

南流逕神星村東東南至縣城二十里

北平縣徐水東至高陽入博漢書地理志

徐水出廣昌嶺東逕郎山又逕北平縣又東南流歷石

門中俗謂之龍門其山上合下開開處高六丈飛水歷

其閒南出乘崖傾濁泄注七丈有餘潏盪之音實爲壯
猛觸石成井水深不測素波白激濤襄四陸東南出山
逕其城中其水又東流漢光武追銅馬五幡於北平破
之順水北順水蓋徐水之別名也又東逕蒲城北又東
逕清苑縣又東南與沈水合又東左會漕水又東南逕
祭過城又東流入博水水經注
太平興國六年八月作使郝守濬於清苑界開徐河雞距
河五十里入白河自是關南之漕悉通濟焉景德元年
北面都鈴轄閻承翰引保州趙彬堰徐河水入雞距泉
以息挽舟之役宋史河渠志

徐河在清苑北十里金人謂之饋糧河范成大北使錄
徐河又東南流逕大册村南至縣城十五里名大册河又東逕要莊

保定府志

卷二十一

輿地略 河道 府河

三

名要莊河又東南逕南韓營入安肅縣西南境楊村又東流
逕河北村又東逕漕河店爲漕河東南流詳見後其南出別支
爲徐河溝逕漕河店村西又南流逕徐河橋村西又南流逕
五里鋪至廣濟橋又南逕府城北關西又南至府城北門西
會護城河繞城而東折而南復折而西入於府河

按漕河徐河本二水今漕河無上流徐河失下尾故徐河入安肅西南境爲漕河所奪又按漕河南出別支名徐河溝久淤同治閒疏濬引水沿南北通衢南流入護城河

府河又東流一里逕湯家閘又東四里逕上閘橋又東三里逕
下閘橋又東五里逕仙人橋又東十里逕糧河橋橋之西金線
河自西南來入之

金線河上游爲方順河南支在滿城縣城西南五十里方順
橋鎮西由金線閘東流逕方順橋下又東逕河套村俗名河圖北至

縣城五里又東四里入清苑縣西南境羅侯村又東流逕魏村
橋又東北逕壁陽城橋又東北逕大冉村橋北至縣城十五里又東
北逕大福橋又東逕西石橋又東逕東石橋又東北逕小石
橋又東北逕糧河橋亦曰糧河入於府河
府河又東流五里逕望陽橋又東北流五里逕東安橋又東北
十里逕新橋一名南陽橋又東北至臧家灣入安州界陽城河
合諸水西南來會之

陽城河古博水一名界河上流曰龍泉河在望都縣城東一
名九龍泉河其源有九一北龍泉在縣城西北三里泉自平
地湧出紆迴南下一堅功泉在縣城西二里大西隄村東流
與北龍泉合而南流逕縣城北環城爲濠亦名玉帶河一西
隄南泉一西隄北泉在縣城西北二里小西隄村北泉流爲

保定府志

卷二十一

輿地略 河道 府河

四

西渠南泉流爲西南渠南泉又受羊邱村溝水合而東流逕
縣城西北隅入城濠一曲家泉在縣城西一里曲家灣東流
入城濠一清水泉在曲家灣南受黑堡溝水會沈家泉東流
爲清水河一沈家泉在縣城西南三里沈家莊合白城村溝
水東北流入清水河一壩龍泉在縣城東南五里龍家莊北
流五里會湧漁泉爲壩龍河一湧漁泉在縣城西南三里南
龍堂東流入壩龍河又東北合清水河東流爲龍泉河又東
逕王家營永豐河東北流入之又東三里過北高嶺村又東
流逕侯陀橋又東三里入清苑縣西南境陽城村名陽城河
永豐河在望都縣城東南十二里永豐鎮一自鎮北東北
流八里由王家營入龍泉河一自鎮南東南流八里會柳
宿河今堙

柳宿河在望都縣城東南四十五里柳宿村西二里東北流二十二里入清苑縣西南境武安村名武安溝又東北流十五里入陽城河

按柳宿河入清苑縣境分支名柳宿溝下流名黃龍港在府城西南七十里温仁村東北流入陽城河今柳宿河為唐河所奪溝亦淤

望都縣博水東至高陽縣入河

漢書地理志

博水出望都縣東南流逕其縣故城南潛入地下又東南重源湧發東南逕三梁亭南又東南逕穀梁亭南又東逕陽城縣散為澤渚謂之陽城澱

水經注

陽城河東北流逕張登店北

北至縣城五十里

唐河自西南來匯

按唐

河於同治初會陽城河入府河今唐河由張登店南東下不會陽城河矣詳見後又東北逕清涼城

齊賢莊河東流入之

保定府志

卷二十一

輿地略 河道 府河

齊賢莊河上游卽曲逆河岔河起完縣城南八里堯城村東南流十里逕任家疃北又東逕白家莊北又東入滿城縣西南境李小村又東逕許村北

村在方順橋鎮東南

東流入清苑縣西南境齊賢莊

在陽城村東北

名齊賢莊河東南流逕鄭各莊名鄭各莊河又東逕清涼城北為清涼河又東入於陽城河

陽城澱水又伏流循瀆屆清梁亭西北重源又發博水又東逕白隄亭南又東逕廣望縣故城北又東合堀溝溝上承清梁陂又北逕清源城東其水東北入博水

注

水經

陽城河又東流折北逕清苑縣城南草橋村古靈山河會段家溝水北流入之

段家溝上游卽唐河故道詳見後分支自祁州西北境黃臺

村南至州城二十里東南流逕西照村爲西照渠亦名孝義河又

東逕中照村南至州城十五里北段村南段村水合之又東逕東

伯章西伯章南至州城二十里又東五里入博野縣西北境大西

章村東南至縣城十八里爲大西章渠又東北逕小店又東北入清

苑縣南境段家莊名段家溝又東北流分二小支南支詳後

土尾北支東北流逕延福橋又東北會古靈山河合而北

流逕草橋入陽城河

古靈山河上游亦唐河故道分支自祁州西境韓村東至州城

十五里東南流五里逕辛安村名辛安渠又東逕祁州城南

又東逕馬固村西至州城十二里龐各莊渠東北流入之又東逕

固留村東澆村渠北流入之又東逕王玉港西至州城三十里入

保定府志

卷二十一

輿地略 河道 府河

博野縣西境逕楊村爲楊村河又東折而北逕縣城東南

王家營溝水合小王村溝水東北流入之又東北入蠡縣

逕王家莊南西北至縣城三里爲王家莊河又東北逕蠡縣城南

爲飲馬池又東北逕胡村南又東北逕東河村西南至縣城十二里

又東北流折而西逕楊家莊西南至縣城三十里會小陳河北流

逕古靈山河爲古靈山河又北流入清苑縣界合段家溝入

陽城河

小陳河自博野縣西北境杜村爲杜村溝東北流逕閻

莊入蠡縣西北境逕小陳村爲小陳村河又東北逕林

鋪南又東逕潘營南又東北逕楊家莊又北流入古靈

山河 輿圖 畿輔

陽城河又東北逕蔡家橋又東北逕何家橋石家橋耿家橋

又東北逕史家橋沈家橋又東北逕新橋村又東北至安州西境會於府河自是以下亦稱府河爲界河

界河源出慶都縣東流入清苑縣南又東北入安州界

即古博水也 大清一統志 按此即陽城河

府河又東北流唐河會土尾河北流注之

土尾河上游即段家溝水南支也自清苑縣段家溝分支東

南流又東入高陽縣西境隄口村北東至高陽縣城二十七里東流折而

北逕臥龍橋又北逕橫決橋又北逕三岔口村西又逕葦園

屯又北入安州西南境逕板橋村西又北入清苑縣境入唐

河改流新道詳見唐河條會於府河

土尾河自清苑至安州合易水明一統志

段家溝匯古靈山河爲土尾河上流土尾河北至安州

保定府志

卷二十一

輿地略 河道 府河

入界河其迹瞭然此九龍河下尾之所以稱界河也安瀾

志

按土尾河今自段家溝分支獨入府河在界河入府河之後近年又爲唐河改流奪其故道故入唐河會於府河不匯靈山河亦不入界河矣

府河又東流逕善馬廟折而北流又東北流五里至李家莊東

東至州城十里漕河西北來會之

漕河源出漕河澤今不可考上流爲大册河即古徐水逕滿

城縣北境入安肅縣西南境詳前徐河條下又東逕漕河店北至縣城二十

五又東南流十里逕北高橋村又東南流二十里逕房陵村

又東逕敵城村入安州西北境馬村東南至州城十三里又東南逕李

家莊北會於府河

曹水出西北朔甯縣曹河澤東南流左合岐山之水又

東南逕北新城縣故城南又東入於徐水水經注

漕水出釜山南東流逕羊角淀北新城西有伏龍泉入焉高陽記

漕河由滿城縣南韓營逕縣界楊村東南至于家莊入安州淀共長四十八里安肅縣志

漕河自安肅縣之高橋村至城西李家莊三十餘里每遇水溢浸澇民因築長隄二束水使東入依城河安州志

博水又東合堀溝又東北濡水注之自下博水亦兼濡水通稱矣又東北徐水注之又東入滹水經注

按濡水即今雹河古徐水所逕即今曹河所逕處今曹河入府河在雹河入府河之先與水經敘次異

府河又東南逕安州城北是為依城河

滹水又東北逕依城北世謂之依城河地說無依城之

保定府志

卷二十一

輿地略 河道 依城河

名即古葛城也郡國志曰高陽有葛城燕以與趙者也

水經注

依城河又東北流逕雜淀南分為二其一北流是為長流河雹河東南流來匯

雹河即南易水亦名鮑河又曰瀑河源出易州城西南石獸

岡東南流逕羊城村又東逕屯里村又東入保定府安肅縣

西北境范村東南流逕曲城村曲水河自縣城西北釜山村

東流入之今無水又東逕遂城村東至縣城二十五里名武遂津又東

南逕安肅縣城西北張豐村東南雞爪河自北來注之

雹河至安肅縣城西北隅由滾水石壩分支南流折而

東逕縣城南關外東南流逕大因村橋又東南至安州

入淀採訪冊

雞爪河源有三皆出定興縣西南境東一泉出陳村營東

東北至縣城四十里南流又折而西南會於中泉計長五里中一泉出李

家莊西莊在陳村西四里東南流六里會東泉合而南流四里又

有西二泉一出馬家莊東村在李家莊南八里一出姚村南在李家莊西八

里二泉會而東南流六里逕閻臺北店合而南流逕申家

莊橋北至縣城五十五里又南流入安肅縣北境東南流十里合萍

泉河南支水詳見下折而西復折而南入於雹河

雹河又東逕縣城北關又東逕徐城村又東逕吳家莊邵家

莊又東入容城縣西南境王村西又東南流逕小李村西東

至縣城十五里又東南至黑龍口自河入容城西南境至此計長十八里又南入安州

北境又南流逕三臺村西北又南至黑龍關其分支為新河

其正河又南逕永濟橋又東南逕雜淀與長流河合新河東

保定府志

卷二十一

輿地略 依城河

流萍泉河北來注之

南易水又名雹水歷遂城縣界又東流過容城縣南入

高陽縣界與澹水合寰宇記

萍泉河源出安肅縣城東北二十里萍泉東南流有胡渠

村溝水自北來入之今淤又東入容城縣西南境東南流逕

南張鋪西南又東南逕西牛村西東至縣城十里龔家溝水自北

來入之今淤又東南逕小李村橋東北至縣城十五里又東南流入安

州北境至黑龍關東會雹水新河東流逕四工閘又東流

逕向家村橋又東南入燒車淀

萍泉分為二流自泉而南者西南流十六里會雞爪河

又北流五里逕安肅縣城北關外入於雹河自泉而東

者東流入容城縣西南境又東南流逕新安縣境入於

雹河安瀾志

長流河又東逕新安廢縣西環城為濠大澱淀水自北來匯大澱淀即渥易水俗稱渥義河在新安西北五里

易水又東渥水注之北水上承二陂於容城縣東南謂之大渥澱小渥澱其水南流注易水謂之渥洞口水側有渾渥城易水逕其南東合澆水故桑欽曰易水出北新城西北東入澆自下澆易互受通稱矣水經注

渥易河謂渥與易二水所合也俗稱渥義河者以此原自一畝泉徐河唐河方順河東至安州大橋北一股為長流河南一股為渥易河東通瓦濟河新安志

長流河又東逕郭里口

行宮南又東復合於依城河其一東流逕太平莊北又東逕寨

保定府志

卷二十一

輿地略 河道

十

長流河

南村北又東至趙家莊復合於長流河是為四股河又東北入雄縣蓮花淀下達河閒府任邱縣四角河又東北逕文安至天津入於海

徐曹一畝方順諸郡至安州西會流為依城河逕州北至新安縣西南會雹水為長流河明統志謂徐曹二河相合曰渥義在新安縣南八里南與長流河合蓋依城河入新安界又名渥義合雹水總名長流明統志專指徐曹二水為渥義又以安州之依城為易水皆誤又舊志云安州為九河下流九河者自北而南曰雹曰徐曰曹曰平日一畝泉曰方順河曰唐曰沙曰滋張寅曰平水無考疑即古之博水今稱徐曹一畝方順界河五河會於州西至新安界始合雹水唐沙滋三河會於祁州

由博野高陽入豬龍河而逕州東界河即古之博水初無平水之名也大清一統志

雄縣俗稱有九河梁河源本易水自易州至容城西北合濡水濡水原帶平河疑即萍河流至安肅九河之一又東有崧

水南會渾波同注俗謂之雹河九河之二其下流即今之黑龍口在容城南二十里小李村東南距安州二十里又東有渥水上流由白溝溢出注

之謂之渥同口又南入安州境於州城西而東合澆水同流逕牙家河大橋又與澆水分獨北行入新安謂之

長流河雄縣志

方順河九河之三一畝泉河九河之四徐河源自易州五迴嶺至

滿城境謂之大册河又逕安肅入清苑境已淤九河之五按此乃舊徐河道由滿城境逕安肅南境徐河橋村東南流入清苑至安州境今徐河自曹河村南流入府城護

保定府志

卷二十一

輿地略 河道 長流河

十一

城河同曹河九河之六自清苑入安州與易水合流逕牙家

河大橋又與易水分獨東行逕州北關安濟橋為依城河又東北入新安謂之渥易河同上

長流渥易二河入新安各東北行至城東合流又東至王家砦又東至四角河頭入雄境雄人呼為保定河同上

唐河自定州逕祁州南十五里九河之七沙河自定州逕祁州南二十五里九河之八滋河自深澤逕祁州南三十里九河之九各東行匯而為一曰三會口即三岔口在祁州東南東北逕蠡

縣為楊村河又東北分三支入高陽界西一支為土尾河東一支為馬家河又東北至安州為白洋淀至端村

入新安境又東北至四角河頭入雄境雄人呼為高陽

河同上

保定高陽二河在四角河頭合而又分四角以此得名保定河

為北支東逕月漾橋又東逕神機營白家窪高河鋪龍華

村北又合高陽河並合白溝河同上白溝河舊自大

十里二村之北又東南至史各莊康熙二十六年丁卯自大

陰村東決大王口南下轉逕龍灣道務村之南趨史各

高陽河為南一支東南逕任邱縣趙北口橋東北逕柴

禾淀神機營白家窪高河鋪合保定並合白溝河同上

三河既合流逕史各莊茅兒灣東北入順天府保定縣

之張青口同上

巨馬河本名涑水有二源一出廣昌縣城西南半里涑山鎮海

寺一出城東一里泰山廟古塔下東北流至泉防村合而東北

流入易州西北境東北流又東逕紫荆關又東北至北城司入

保定府志

卷二十一

輿地略 河道 巨馬河

涑水縣西北境北流折而東北復折而南逕趙各莊又折東北

逕套肩嶺南又東北折而南逕下莊又曲屈逕亂山中又東南

逕石門東流至鐵鎖崖東南分為二支其南支東南流逕石亭

山又南逕赤土又東南逕涑水縣城東又東南逕莊疇又折西

南逕史姑莊又西南逕高落村入保定府定興縣西北境吳村

距定興縣城十里東南流逕定興城西折而南又東南逕河陽渡北至縣城

十沙河白澗河合流入之名北河下流通稱巨馬河

涑水東南流逕迺縣故城東謂之巨馬河亦曰渠水也

又東南流又東南逕范陽故城北易水注之水經注

巨馬巨字後人誤加手傍謂之拒馬遂謂劉琨拒石勒

於此故名皆傳會也大清一統志

沙河即北易水古名濡水源出易州城西北孟津嶺東流逕

大龍華山又東南逕楊威城村入定興縣西北境爲沙河東
南流逕長安城北涑水縣迺攔河合迎紫河自北來入之又
東南至河內村東北至縣城十里合中易水匯於河陽渡

白澗河即中易水源出易州城西北鴨嘴溝東南流逕上陳
驛又東逕白澗村名白澗河又東逕易州東故安故城爲故

城河亦曰武水又東入定興縣西境平岡村東至縣城十里又東流
逕落堡村東至縣城八里又東逕百樓村東北至縣城二十五里又東逕河內

村與北易水合流匯於河陽渡

易水有三曰武曰濡曰雹北易則武濡之合南易則雹

也水道提綱

按濡水有二今定興沙河爲北易亦爲北濡而完縣曲逆河即南濡也

巨馬河又南逕西靳村西北至定興縣城十五里馬河村自北來入之

保定府志

卷二十一

輿地略 河道 巨馬河

馬村河涑水分支之別出者自涑水縣東南境赤土社分支

東南流入新城縣西北境逕馬村東南至縣城三十四里名馬村河上

今又南流入定興縣北境又南流逕辛告村西西南至縣城八里又

南流逕李家莊東西至縣城八里又南流至西靳村入於巨馬河

巨馬河又東南逕談城村南西北至縣城四十里又東南入新城縣西南

境張村南東北至縣城三十里又東南逕劉家莊入容城縣北境城子村

南至縣城十五里東流逕北王督莊又東南逕王家營北西南至縣城二十五里

東入白溝河

白溝河上游即巨馬河亦名琉璃河而實仍一涑水也涑水自

廣昌逕易州至涑水縣東北境詳見前條鐵鎖崖東南分爲二支其

北支東流入順天府房山縣西南境逕十度村名十度河東南

流至鎮子營入順天府涿州西北境半壁店東南又分爲二一

支東流至涿州城西北隅一支東南流折而東北至城西北隅
台而東流又東南逕浮落村與琉璃河會以下琉璃巨馬並稱
琉璃河即古聖水源出房山縣西北山中東南經良鄉
縣西南又東南有小水自北來會折而南流入巨馬河

水道
提綱

巨馬河又東南逕任村又南逕順天府固安縣西境唐皮黑營
西又南流逕南柏村西又南入保定府新城縣東北境西流又
折而南逕平景鎮西西南至縣城三十里又南逕新橋鎮西西至縣城十八里復
折西南逕十九堡村西北村西有引河詳見下又西南逕蔡各莊北又西
南逕南十里鋪紫泉河西來入之

紫泉河源出新城縣西北龍堂村東南至縣城十五里東南流逕俠流
村又南逕縣城西又南至十里鋪入琉璃河

保定府志

卷二十一

輿地略 河道

古

巨馬水又東酈亭溝水注之水上承督亢溝水於迺縣

東東南流歷紫淵東其水東南流又名之為酈亭溝又

西南轉歷大利亭南入巨馬水水經注

紫泉河起自龍堂村至十里鋪入清河巨馬河亦稱白溝亦稱清河

長二十八里有奇安瀾志

巨馬河又南逕高橋村西又南逕魏家莊西斗門河自西北來
入之

斗門河源出新城縣西李家堂東至縣城十五里南流逕界河鋪入

定興縣東境為界河又南流復入新城縣境為西溝河又南

至魏家莊入琉璃河

斗門河自李家營至魏家莊入清河長四十八里有奇

安瀾志

巨馬河又南右會三溝水東南流

巨馬河入容城縣北境與新城分水則有南溝中溝北溝南溝首起定興縣傅家莊逕李郁莊侯家營韋家營藍溝入新城縣屬王家莊李家莊郝家莊歸曰溝河長三千八百丈中溝首起定興縣楊各莊逕馬坊村朱李莊吳家莊入新城縣境歸白溝河長二千六百四十六丈北溝首起定興縣太平莊逕張子莊孫各莊天宮寺馬坊村入新城縣境歸白溝河長一千四百六十丈

志

巨馬河又東南逕白溝村名白溝河入容城縣東北境白溝店

又南流涑水南支之巨馬河自西來匯

詳見前

巨馬河經固安縣西南境又西南經新城縣城東南又

保定府志

卷二十一

輿地略 河道

五

巨馬河

南有北易水西北自定興來俗稱白溝河水至清故曰

白溝

水道提綱

巨馬河又東南流逕王祥鋪又東南逕新蓋房又東南逕閻家

鋪

西至縣城四十里

又東南入雄縣西北境韓家鋪

一名大鋪東南流逕古

縣又南流至雄縣城北五里土克橋村東流為白溝故道又

南會盧僧河

盧僧河上游即十九堡引河在新城縣城東十二里巨馬疏

璃之分支實涑水之分支也自村西西南流逕北留村折而

東南逕泗莊村西高橋引河西來入之

引河西自巨馬正流東逕高橋來入之

又東南逕盧僧村

西北至新城縣城三十里

名盧僧河又東南入雄縣北

境逕王槐村西又東南逕涑河村又東南逕大步村會王克

橋河又東逕道務村北

西至雄縣二十里

又東至洪城村南

東至茅兒灣五

里西至雄縣城三十二里折而東北五里逕張清口村西爲順天府保定縣界

王克橋河在雄縣城北五里本白溝河故道自白溝河由王克橋西直南而下其故道由王克橋村南東行逕安各莊又東至大步村南入盧僧河名曰王克橋引河

白溝河順治初自城西北五里莊頭村決口西南流逕西槐等村入新安燒車淀康熙三十八年支流淤口塞

雄縣志

今自王克橋南流逕雄縣西關橋地曰雄河又南流折而東逕縣城南關瓦濟橋下亦曰瓦濟河又東南逕龍灣村南西至縣城十五里又東南會於清河是爲清河門故土俗因別有小清河遂稱此爲大清河

保定府志

卷二十一

輿地略 河道

七

清河爲東西兩淀之經流一自雄縣入河間府任邱縣西北境南流逕楊家莊西一自安州入任邱縣西北境東流逕楊家莊南合流爲四角河又東流七里其分支爲大港引河自邢家溝入雄縣東南境逕孫家嘴復入於本河又東逕任邱縣趙北口出廣惠橋下其南岸分支爲岔河今名馬道支河下流復入於本河又東北流十餘里入雄縣是爲清河門

畿輔輿圖

清河源本滹沱河由晉州至東鹿城南分爲六支其最北支自任邱縣萬石橋來入雄境會爲蒲淀淀方十里石橋村在其水本濁至此瀦而澄之遂清其北流出淀處曰清口門舊出口東北趨王村口河頭村至史各莊會白溝保定高陽三河逕茅兒灣東入保定縣張青口康熙三十

年溥沱上流他徙此處斷流而白溝保定高陽三河合流餘波沿清河故道而南洩入蒲淀俗稱倒漾水爲縣

東南之患雄縣志

大清河自安州境入雄縣西南境東流逕孫家莊又東南入任

邱縣又自任邱縣入雄縣東南境是爲清河門詳見上白溝河東

南流來匯詳見前又東逕孫家嘴與大港引河合詳見上又東逕茅

兒灣是爲神機營淀折而東北十二里逕順天府保定縣西南

境張清口村東又東北八里至保定縣城西趙王河自東南來

入之

趙王河卽古藏糧河自任邱縣淀河分流東行至雄縣東南

境苟各莊西西北至雄縣城七十里折而北流東岸沿千里長隄屈曲

行五里至娘娘宮村東又東北五里逕下村東又五里逕彭

保定府志

卷二十一

輿地略 河道 大清河

七

兒灣東又北五里至王村東又北八里至史各莊西至雄縣城四十里

串村而東又北五里逕保定縣南境北村西又北五里至保

定縣城西入大清河大清河又自保定縣城西環城而北名

玉帶河又東北由文安至天津入於海

按大清河至保定縣始名玉帶以繞城也故上游俗亦稱爲玉帶河

蒲河卽古蒲水源出完縣城北四十里蒲陽山今水起縣城北

道務村西南至縣城三十二里西南流逕白司城村東至道務三里豐泉水合白

司城水南流入之

曲逆蒲陽山蒲水所出東入濡漢書地理志蒲陽山蒲水出

也續漢書郡國志

蒲水出西北蒲陽山西南流積水成淵東西一百步南

北百餘步深而不測水經注